



ԳԱԼՈՒՍՏ ԿՅՈՒԼՊԵՆԿՅԱՆ ՀԻՄՆԱՐԿՈՒԹՅԱՆ ՆԱԽԱԳԱՀ ԴՈԿՏՈՐ ԺՈԶԵ ԴԵ ԱԶԵՐԵԴՈ ՊԵՐՏԻԳԱՆԸ ՄԱՅՐ ԱԹՈՌՈՒՄ

Հոկտեմբերի 1-ին, հինգշաբթի, երեկոյան ժամը 8-ին, Ամենայն Հայոց Վեհափառ Հայրապետի հրավերով, պաշտոնական այցով Մայր Աթոռ Ս. էջմիածին ժամանեց Գալուստ Կյուլպենկյան հիմնարկության նախագահ Պրոֆ. Ժոզե դե Ազերեդո Պերտիգանը՝ իր հարգելի տիկնոջ հետ:

Մեծարգո նախագահին ընկերակցում էին հանգուցյալ բարերար Գալուստ Կյուլպենկյանի դուստրը՝ ազնվափայլ տիկին Ռիտա Եսայանը, Կյուլպենկյան հիմնարկության հայկական մասնաճյուղի վարիչ և բարերարի եղբորորդի պր. Ռոբերտ Կյուլպենկյանը իր հարգելի տիկնոջ հետ, և ֆրանսահայ հայտնի ճարտարապետ պր. Եդվարդ Ութուշյանը:

Հանուն Ամենայն Հայոց Վեհափառ Հայրապետի, Երևանի օդանավակայանում մեծահարգ հյուրերին դիմավորեցին և բարի գալուստ մաղթեցին Գերագույն Հոգևոր Խորհրդի անդամ գերաշնորհ Տ. Ասողիկ եպիսկոպոս Ղազարյանը, Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը և Մայր Տաճարի փոխլուսարարապետ հոգեշնորհ Տ. Մեսրոպ վարդապետ Պալանը:

Հարգարժան հյուրերին օդանավակայանում դիմավորելու էր եկել նաև Հայկական ՍՍՌ Մինիստրների սովետին առընթեր Հայ Եկե-

ղեցու գործերի Խորհրդի անդամ մեծարգո պր. Մ. Բաբլոյանը:

Հյուրերը առաջնորդվեցին Երևանի «Արմենիա» հյուրանոցը:

Հոկտեմբերի 2-ին, ուրբաթ, առավոտյան ժամը 11-ին, Գալուստ Կյուլպենկյան հիմնարկության նախագահ Պրոֆ. Ժոզե դե Ազերեդո Պերտիգանը իր շքախմբով այցելեց Մայր Աթոռ:

Հարգելի հյուրերը Մայր Տաճարում իրենց ուխտն ու աղոթքը կատարելուց հետո, Վեհափառ Հայրապետին, որը ջերմորեն և գոհունակությամբ ողջունեց հյուրերի գալուստը Մայր Աթոռ Ս. էջմիածին:

Ընդունելության ներկա էր նաև Երուսաղեմի հայոց պատրիարք ամենապատիվ Տ. Եղիշե արքեպիսկոպոս Տերտեքյանը, որը նույնպես սրտագինս ողջունեց հյուրերին:

Ամենայն Հայոց Վեհափառ Հայրապետի, սրբազան պատրիարք հոր և Գալուստ Կյուլպենկյան հիմնարկության պր. նախագահի ու շքախմբի անդամների միջև տեղի ունեցավ ջերմ, սրտագին զրույց, մտերմական մթնոլորտում:

Այնուհետև հյուրերը այցելեցին նորից Մայր Տաճար, եղան եկեղեցական արվեստի թանգարանում, Հոգևոր Զեմարանում և Մայր Աթոռի տպարանում:

Հետմիջօրեի ժամը 3-ին, Վեհարանում, հյուրերի պատվին տրվեց ճաշկերույթ, որն անցավ ջերմ, ընտանեկան մթնոլորտում:

Երեկոյան, հյուրերը պետական օպերայում ներկա եղան «Կարմեն» օպերայի ներկայացման:

Հոգեհանգիստ Գալուստ Կյուլպենկյանի նիշատակին

Հոկտեմբերի 3-ին, շաբաթ, առավոտյան ժամը 10-ին, հյուրերը այցելեցին Մեսրոպ Մաշտոցի անվան մատենադարանը, այնուհետև ծանոթացան քաղաքի տեսարժան վայրերին:

Ժամը 12-ին, հյուրերը ուխտի գնացին Օշական, Ս. Մեսրոպ Մաշտոցի եկեղեցին ու Մեծ Սրբի դամբարանը, ուր ծանոթացան եկեղեցում կատարվող նկարչական աշխատանքներին:

Երեկոյան ժամը 6-ին, կիրակամտի արարողություններից հետո, Մայր Տաճարում, Ամենայն Հայոց Հայրապետի հանդիսադրությամբ, կատարվեց հոգեհանգստյան հատուկ պաշտոն Մայր Աթոռի բարերար հանգուցյալ Գալուստ Կյուլպենկյանի հիշատակին:

Եվ կիրակամտի արարողության և՛ հոգեհանգստյան պաշտոնի կատարմանը ներկա էին ամենապատիվ պատրիարք հայրը, Մայր Աթոռի ողջ միաբանությունը, Գերագույն Հոգևոր Խորհրդի անդամները, վանքի պաշտոնեությունը և հավատացյալների բազմություն:

Հանդիսության ներկա էին նաև Գալուստ Կյուլպենկյան հիմնարկության նախագահ ղուկտ. Ժողե ղե Ազերեդո Պերտիգանը տիկնոջ հետ, տիկին Ռիտա Ծալյանը, պր. Ռոբերտ Կյուլպենկյանը տիկնոջ հետ և պր. Եղվարդ Ութուշյանը:

Արարողության ներկա էր նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը:

Հոգեհանգստյան արարողության սկզբում, Ամենայն Հայոց Վեհափառ Հայրապետը, «Երանի ողորմածաց, զի եմքա ողորմութիւն գտցեն» (Մատթ. 5 ?)՝ բնաբանով Իր քարոզում ոգեկոչեց հիշատակը ազգիս և Մայր Աթոռիս բարերար հանգուցյալ Գալուստ Կյուլպենկյանի:

Վեհափառ Հայրապետի քարոզը տեղում ֆրանսերենի էր թարգմանում հոգեշնորհ Տ. Շահն վարդապետ Աճեմյանը:

Մայր Տաճարի երգեցիկ խումբը հանդիսավորությամբ կատարեց «Գթա, Տէր», «Որ յանէից» հոգեհանգստյան շարականները:

Երգեցիկ խմբի մեներգիչ օրիորդ Սվետլանա Զաքարյանը խոր հուզումով երգեց «Յոր-

ժամ»-ը: Գերաշնորհ Տ. Կոմիտաս եպիսկոպոսը ընթերցեց Հանգստյան Ավետարանը իսկ Վեհափառ Հայրապետը արտասանեց «Քրիստոս Որդի Աստուծոյ» աղոթքը:

Արարողության ավարտին, Վեհարանում կազմակերպվել էր ընդունելություն ի հիշատակ Գալուստ Կյուլպենկյանի:

Երեկոյան ժամը 8-ին հյուրերը, Երևանում Հայֆիլհարմոնիայի համերգային մեծ դահլիճում, ներկա եղան երգի և պարի պետական սամարի ելույթին:

Հոկտեմբերի 5-ին, երկուշաբթի, առավոտյան ժամը 11-ին, հյուրերը այցելեցին Սեան Երեկոյան ժամը 8-ին հյուրերը ներկա եղան Սվետլանա Զաքարյանի համերգին Արվեստագետների տանը:

Այցելություն Հայկական ՍՍՌ Մինիստրների սովետի նախագահ Ա. Բոչինյանին

Հոկտեմբերի 6-ին, երեքշաբթի, առավոտյան ժամը 10-ին, Երևանում, Կառավարական տանը, Հայկական ՍՍՌ Մինիստրների սովետի նախագահ պր. Ա. Բոչինյանն ընդունում է Ամենայն Հայոց Վեհափառ Հայրապետին և Գալուստ Կյուլպենկյան հիմնարկության նախագահ ղուկտ. Ժողե ղե Ազերեդո Պերտիգանին՝ տիկնոջ հետ, տիկին Ռիտա Ծալյանին, տեր և տիկին Ռոբերտ Կյուլպենկյաններին և ճարտարապետ պր. Եղվարդ Ութուշյանին:

Պաշտոնական այս այցելության ժամանակ Վեհափառ Հայրապետին և հյուրերին ընկերակցում էին գերաշնորհ Տ. Ասողիկ եպիսկոպոս Ղազարյանը և գերաշնորհ Տ. Կոմիտաս եպիսկոպոս Տեր-Ստեփանյանը:

Ամենայն Հայոց Հայրապետի, Գալուստ Կյուլպենկյան հիմնարկության պր. նախագահի և նրա շքախմբի անդամների ու Հայկական ՍՍՌ Մինիստրների սովետի պր. նախագահի միջև տեղի է ունենում ջերմ զրույց, սիրալիր մթնոլորտում:

Զրույցին ներկա էր նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը:

Հրաժեշտի ընդունելություն

Հոկտեմբերի 6-ին, երեքշաբթի, առավոտյան ժամը 11-ին, հյուրերը այցելում են Ս. Գեղարդի վանքը և Գառնիի պատմական ավերակները:

Երեկոյան ժամը 6-ին, Վեհարանում, Ամենայն Հայոց Վեհափառ Հայրապետը զրույց է ունենում Գալուստ Կյուլպենկյան հիմնարկության նախագահ ղուկտ. Ժողե ղե Ազերեդո Պերտիգանի, հիմնարկության հայկական

մասնաճյուղի վարիչ պր. Ռոբերտ Կյուլպենկյանի, տիկին Ռիտա Նսայանի և պր. Նզվարդ Ութուշյանի հետ:

Ժամը 8-ին, Վեհարանում, հյուրերը դիտում են «Էջմիածին» կինոնկարը:

Ժամը 9-ին հյուրերի պատվին տրվում է հրաժեշտի ճաշկերույթ:

Ընդունելության ներկա են սրբազան պատրիարք հայրը, Մայր Աթոռի միաբանությունը, հոգեշնորհ Տ. Շահե, Տ. Մեսրոպ, Տ. Կյուրեղ վարդապետները և հոգեշնորհ Տ. Արիսաբեղա Շիրվանյանը:

Գալուստ Կյուլպենկյան հիմնարկության նախագահի և նրա շքախմբի անդամների պատվին տրված հրաժեշտի ընդունելությունն անցնում է խանդավառ, ջերմ մթնոլորտում:

Ամենայն Հայոց Վեհափառ Հայրապետը և պր. նախագահը ճառեր են փոխանակում:

Ընդունելությունը վերջանում է խմբովին երգված Տերունական աղոթքով:

Հռիփսիմեի 7-ին, շտեմբլաբլի, առավոտյան ժամը 8-ին, Գալուստ Կյուլպենկյան հիմնարկության նախագահ դոկտ. Ժոզեֆ Դե Ազեբո Պերտիգանը, իր շքախմբի անդամներ հետ, լավագույն տպավորություններով և անմոռանալի հուշերով, հրաժեշտ է առնում Մայր Աթոռից և Ամենայն Հայոց Հայրապետից:

Երևանի օդանավակայանում, հանուն Նրին Ս. Օծուխյան, մեծարգո հյուրերին ճանապարհում են գերաշնորհ Տ. Ասողիկ եպիսկոպոս Ղազարյանը, գերաշնորհ Տ. Կոմիտա եպիսկոպոս Տեր-Ստեփանյանը, հոգեշնորհ Տ. Մեսրոպ վարդապետ Պալյանը և դիվանապետ պր. Հայկ Առաքելյանը:

Հյուրերին ճանապարհում է նաև Արտա սահմանի հետ մշակութային կապի ընկերության նախագահ տիկին Բերսաբե Գրիգորյանը:

Բարի ճանապարհ Մայր Աթոռի հարգարժան հյուրերին:

